



24. oktober 2018

UKA2018/193

Uunga siunnersuut: Kommunit suliffeqarfinnik pigisaasa sanaartukkanillu pigisaasa ilaasa pisarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. xx, xx. xxx 2018-imeersoq.

(Aleqa Hammond, Nunatta Qitornai)

Siullermik aningaasaqarnermut naalakkersuisoq suleriusaanut akuutitsiffiusumut isummersortitseqataasumullu qutsavigeqqaarumavara inatsisissatut siunnersuutigineqartup suliarinerani inatsisartunik isumasioqateqarsimaneranut.

Suliffeqarfiit kommuninit pigineqartut aammalu kommunit ataasiakkaat imaluunniit ataatsimoortut toqqaannartumik toqqaannangitsumilluunniit aningaasaatit 50 procentiinit amerlanerusunik pigineqataaffigisaat, imaluunniit taasisinnaasut 50 procentiinit amerlanerusunik pigisaqarfigisaat, Naalakkersuisunit akuerineqaqaarnatik inissianik, atuarfinnik assigisaanillu suliffeqarfiup allamut pisussaaffinnut qularnaveeqqusiissuteqarfigisinnaanginnerat siunnersuutigineqarpoq. Attartornermi attattugassanngortitsinermilu isumaqatigiisummi atuuppoq.

Inatsisissatut siunnersuutigineqartoq Inatsisartut inatsisaannik tunngaveqarpoq, tassalu malittarissat tunuliaqutaasut aammalu kommunit aaqqissuussinermik toqqammaveqarlutik suliassanik ingerlatassanngortitsinermi malinneqartarnissaasa qulakkeerneqartarnissaat siunertarineqarpoq.

Pisortat aningaasanik aqutsinerannik patajaallisaanissamik Naalakkersuisuisut anguniagaqarnerat uani siunnersuutikkut inatsisartut inatsisaannut tunuliaqutaavoq.

Naalakkersuisut inatsisissatut siunnersuutaat taperlugu inatsisartut aningaasaqarnermut akileraartarnermullu ataatsimiititaliaanut suliarisassanngorlugu innersuupparput.